



Page: 12

Reach: 50000

Country: BOSNIA AND HERZEGOVINA

Size: 253 cm2

1 / 1

Inspektori provjeravaju kupovinu vile na Dedinju

# SIPA u 'Pavlović banci' istraživala Dodikov kredit

Ne vidim zašto je taj kredit sporan, jer je prošao redovnu proceduru, redovno se otplaćuje, kaže direktorica banke

Po nalogu Tužilaštva BiH pripadnici Državne agencije za istrage i zaštitu (SIPA) jučer su ponovo pretresli prostorije i dokumentaciju „Pavlović International banke“ u Bijeljini. Njima su se u istrazi pridružili i istražitelji i osoblje Tužilaštva BiH. I ovaj put predmet njihovog pretresa, kako je rečeno iz banke, jeste kredit kojim je predsjednik Republike Srpske Milorad Dodik kupio vilu u elitnom beogradskom naselju Dedinje 2007. godine i koju je platio 850.000 eura.

Pripadnici SIPA-e pretresli su „Pavlović banku“ i 18. novembra 2015., nakon što je lider SDS-a Mladen Bosić podnio dokumente koji ukazuju na to da je vila na Dedinju kupljena fiktivnim kreditom. Direktorica „Pavlović banke“ u Bijeljini Ružica Janković izjavila je za naš list da su policijski inspektori ponovo tražili informacije u vezi s istragom o Dodikovom kreditu.

- Tražili su dodatnu dokumentaciju i tu nema ništa sporno. Svako radi svoj posao i mi radimo svoj posao. U pitanju je nastavak istrage o kreditu o kojem svi vi ovih dana pišete i javljate. Ne vidim zašto je taj kredit sporan, jer je

prošao redovnu proceduru, redovno se otplaćuje - kazala je direktorica Janković.

Prema ranijim informacijama, Dodik je 16. maja 2007. zaključio ugovor o kupoprodaji nepokretnosti s beogradskom Komercijalnom bankom. Dodik je prije potpisivanja ugovora, 3. marta 2007., platio kaparu od 100.000 eura, a na dan ovjere ugovora, 16. maja 2007., platio je preostali iznos od 750.000 eura. Prema dokumentima, ta sredstva na Dodikovom računu vode porijeklo iz kredita u iznosu od 1.468.373 KM koji je odobren 14. maja 2007.

Godinu dana kasnije dolazi do izmjene uvjeta ovog kredita - mijenjaju se periodi otplate, kamatne stope i sredstva osiguranja.

U junu 2008. Nadzorni odbor banke odobrava Dodiku dugoročni kredit od 1.468.373 KM.

- Ako je ovo tačno, treba istaći da nije postojao osnov za prenos sredstava, jer bi to značilo da se ovaj iznos kredita dva puta uplaćuje Dodiku. U slučaju refinansiranja - kreditom iz 2008. godine samo bi se izmijenila kamata, rok otplate i sredstva obezbjeđenja, a ne bi postojala obaveza plasiranja kredita. Najpri-

je treba utvrditi da li je ugovor od 15. maja 2007. godine uopšte zaključen - rekao je ranije Bosić.

G. D. - E. M.



Janković: Ništa nije sporno

